



BOSNIA AND HERCEGOVINA
MINISTRY OF FINANCE
AND TREASURY

CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-16-8-287-1/20
Sarajevo, 25.12.2020. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 33b. stav (2) i 33f. stav (2) tačka f) i h) Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12, 32/13, 61/14 i 98/14) i člana 3. Pravilnika o godišnjem izvještavanju o sistemu finansijskog upravljanja i kontrole u institucijama Bosne i Hercegovine („Službeni glasnik BiH“, broj: 77/15), direktor Centralne harmonizacijske jedinice Ministarstva finansija i trezora Bosne i Hercegovine, donosi

O D L U K U

o objavljivanju forme i sadržaja Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2020. godinu

Član 1.
(Predmet odluke)

Centralna harmonizacijska jedinica Ministarstva finansija i trezora Bosne i Hercegovine objavljuje formu i sadržaj Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2020. godinu s Uputstvom za izradu godišnjeg izvještaja.

Član 2.
(Primjena)

- (1) Godišnji izvještaj o sistemu finansijskog upravljanja i kontrole u institucijama Bosne i Hercegovine za 2020. godinu sačinjava se popunjavanjem propisanog obrasca upitnika za samoprocjenu sistema finansijskog upravljanja i kontrole, čiji je sastavni dio izvještaj o realizaciji mjera iz Godišnjeg operativnog akcionog plana Strategije razvoja sistema internih finansijskih kontrola u institucijama Bosne i Hercegovine za 2020. godinu.
- (2) Godišnji izvještaj o sistemu finansijskog upravljanja i kontrole u institucijama Bosne i Hercegovine popunjava se u cjelosti u skladu s Uputstvom za izradu godišnjeg izvještaja.
- (3) Sve institucije dužne su godišnje izvještaje o sistemu finansijskog upravljanja i kontrole dostaviti Centralnoj harmonizacijskoj jedinici Ministarstva finansija i trezora Bosne i Hercegovine do 15. februara 2021. godine.
- (4) Na osnovu godišnjih izvještaja o sistemu finansijskog upravljanja i kontrole u institucijama Bosne i Hercegovine, Centralna harmonizacijska jedinica Ministarstva finansija i trezora Bosne i Hercegovine sačinjava Godišnji konsolidirani izvještaj o sistemu finansijskog upravljanja i kontrole i dostavlja ga Vijeću ministara Bosne i Hercegovine najkasnije do 31. marta 2021. godine.

Član 3.
(Odgovornost)

- (1) Za tačnost podataka u Godišnjem izvještaju o sistemu finansijskog upravljanja i kontrole odgovoran je rukovodilac institucije u skladu s članom 4. stav (2) Pravilnika o godišnjem izvještavanju o sistemu finansijskog upravljanja i kontrole u institucijama Bosne i Hercegovine.
- (2) Odgovornost rukovodilaca institucija za blagovremeno dostavljanje izvještaja i tačnost podataka u izvještajima dodatno je naglašena zaključkom Vijeća ministara Bosne i Hercegovine sa 173. sjednice, održane 10.06.2019. godine.

Član 4.
(Svrha izvještavanja)

- (1) Svrha Godišnjeg konsolidiranog izvještaja o sistemu finansijskog upravljanja i kontrole jeste informiranje Vijeća ministara Bosne i Hercegovine o procjeni stanja i napretku u oblasti finansijskog upravljanja i kontrole, o praćenju primjene propisa iz oblasti finansijskog upravljanja i kontrole i predlaganje mjera za daljnje unapređenje sistema finansijskog upravljanja i kontrole u institucijama Bosne i Hercegovine.
- (2) Poseban dio Godišnjeg konsolidiranog izvještaja o sistemu finansijskog upravljanja i kontrole je izvještaj o realizaciji mjera iz Godišnjeg operativnog akcionog plana Strategije razvoja sistema internih finansijskih kontrola u institucijama Bosne i Hercegovine za 2020. godinu, kojim se Vijeće ministara Bosne i Hercegovine informira o dinamici implementacije Strategije razvoja sistema internih finansijskih kontrola u institucijama Bosne i Hercegovine za 2020-2025. godinu.

Član 5.
(Objavlivanje)

Forma i sadržaj Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2020. godinu s Uputstvom za izradu godišnjeg izvještaja sastavni su dio ove odluke i bit će objavljeni na web stranici Ministarstva finansija i trezora Bosne i Hercegovine www.mft.gov.ba.



DIREKTOR

Ranko Šakota

Dostaviti:
-a/a